

ԱՌՈՂՋԱՊԱՀՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ՀԱՄԸՆՂՀԱՆՈՒՐ ԱՌՈՂՋԱՊԱՀՈՒԹՅԱՆ ԾՐԱԳՐԻ ՇՆՈՐՀԻՎ ՄԵՐ ՔԱՂԱՔԱՅԻՆԵՐԸ ՏՆՏԵՍԵՅԻՆ 6,3 ՄԻԼԻԱՐԴ ԼԱՐԻ»

Մարտի 27-ին Վրաստանի վարչապետ Իրակլի Դարիբաշվիլին, հանդես գալով համընդհանուր առողջապահության պետական ծրագրի տասնամյա հորելյանին նվիրված միջոցառմանը, հիշեցրեց, որ 2012 թվականին, երբ իշխանության եկավ «Վրացական երազանքը», կուսակցության հիմնադիր, նախկին վարչապետ Բիծինա Իվանիշվիլու նախաձեռնությամբ ու որոշմամբ, գործադիր ձեռնամուխ եղավ համընդհանուր առողջապահական ծրագրերի ֆինանսավորմանը, եւ տասը տարվա ընթացքում պետությունն այն ֆինանսավորեց 7 մլրդ լարիով:



- Ինձ համար մեծ պատիվ է այսօր ներկայաւալ ձեր առջեւ: Կփորձեմ շատ համառոտ ամփոփել Համընդհանուր առողջապահական ծրագրի 10 տարվա արդյունքները: Մինչ այդ, ուզում եմ հիշեցնել մեր հասարակությանը, թե ինչ իրավի-

ճակուն հայտնվեցին 2012 թվականին իշխանության գալուց հետո, եւ բերեմ մի քանի համեմատական օրինակներ:

2012-ին առողջապահության բյուջեն շատ սուղ (Շարունակությունը՝ 2-րդ էջում)

ՎՐԱՍՏԱՆԻ ՆԱԽԱԳԱՐԸ ԽՈՐՀՐԴԱՐԱՆՈՒՄ

ՍԱԼՈՄԵ ԶՈՒՐԱՔԻՇՎԻԼՈՒ ԱՄԵՆԱՄՅԱ ԶԵԿՈՒՅԸ՝ ՕՐԵՆՍԴԻՐ ՄԱՐՄՆՈՒՄ

Մարտի 31-ին Վրաստանի նախագահ Սալոմե Զուրաբիշվիլին երկրի խորհրդարանում հանդես եկավ ամենամյա զեկույցով:

Սալոմե Զուրաբիշվիլու տարեկան զեկույցի շնորհանդեսին ներկա էին Վրաստանի վարչապետ Իրակլի Դարիբաշվիլին, կառավարության անդամներ, Վրաստանում հավատագրված դիվանագետներ:

Ներկաները մեկ րոպե լռությամբ հարգեցին Ուկրաինայի Բուրչա քաղաքի զոհերի հիշատակը, որից հետո նախագահը հնչեցրեց իր զեկույցը: Նա անդրադարձավ երկրի արտաքին եւ

ներքին քաղաքական կուրսի, Եվրամիությանը Վրաստանի անդամակցության առնչությամբ Եվրահամձեռնողվի 12 համձնարարականների կատարման ընթացքի, Վրաստանի բնակչության սոցիալ-տնտեսական պայմանների, նախագահ-գործադիր-օրենսդիր իշխանական ճյուղերի փոխհարաբերությունների թեմային:



Նախագահի 15 րոպե տեւողությամբ զեկույցին հաջորդեցին խորհրդարանական խմբակցությունների, կոմիտեների եւ առանձին պատգամավորների ելույթները:

ՇՆՈՐՀԱՆԴԵՍ

ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ԲՈԼՈՐ ՀԻՄՆԱԿԱՆ ԳՈՐԾԱՌՈՒՅԹՆԵՐԸ՝ ՄԵԿ ՀՈՎԱՆՈՒ ՆԵՐՔՈՒ

Մարտի 31-ին Վրաստանի վարչապետ Իրակլի Դարիբաշվիլու մասնակցությամբ կայացավ հակակոռուպցիոն բյուրոյի շնորհանդեսը:

Միջոցառման իր խոսքում վարչապետը նշեց, որ Հակակոռուպցիոն բյուրոն միավորում է կո-

ռուպցիայի կանխարգելման բոլոր հիմնական գործառնությունները մեկ հովանու ներքո:

- Ցանկանում եմ նշել, որ հակակոռուպցիոն բյուրոն առանձնանում է անկախության բարձր աստիճանով, որն իր մեջ ներառում է նաեւ ֆինանսական անկախություն: Հակակոռուպցիոն

բյուրոն պատասխանատու է միայն Վրաստանի խորհրդարանին եւ միջգերատեսչական հակակոռուպցիոն խորհրդին, ինչը նշանակում է տարեկան հաշվետվու-

ԳՈՐԾԱԴԻՐ-ԽՈՐՀՐԴԱՐԱՆ

ՀԱՍՏԱՏՎԵՅ՝ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ ՈԱՉՄԱՎԱՐՈՒԹՅՈՒՆԸ

Վրաստանի վարչապետ Իրակլի Դարիբաշվիլին հանդես եկավ հատուկ հայտարարությամբ: Վարչապետը նշեց, որ այսօր հաստատվեց 2022-2030 թվականների՝ մարդու իրավունքների պաշտպանության ռազմավարությունը, կառավարությունն ու խորհրդարանը հաստատում են պետության համընդհանուր մարդու իրավունքների պաշտպանությանը:

Վարչապետի խոսքով, ազգային ռազմավարության քաղաքական եւ հասարակական մեծ կարեւորության պատճառով, փաստաթուղթը մշակվել եւ հաստատվել է Վրաստանի կառավարության կողմից բազմոլորտ ներգրավվածությամբ եւ հավանության է արժանացել Վրաստանի խորհրդարանի կողմից:

- Հաստատվելով այս ռազմավարությունը՝ Վրաս-

տանի կառավարությունը եւ խորհրդարանը հաստատում են պետության համընդհանուր մարդու իրավունքների եւ հիմնարար ազատությունների պաշտպանությանը, ինչն իր հերթին, ենթադրում է մարդու իրավունքների պաշտպանության համակարգված եւ երկարաժամկետ քաղաքականության հետեւողական ու շարունակական վարում,- հայտարարեց վարչապետը:

ՏԱՐԵՂԱՐԶ

ՄԱՐՏԻ 31-Ի ՀԱՆՐԱՔԵԼԵՆ ԱՄՈՒՐ ՀԻՄՔ՝ ԺԱՄԱՆԱԿԱԿԻՅ՝ ՊԵՏՈՒԹՅԱՆ ԿԱՌՈՒՅՄԱՆ ՀԱՄԱՐ

Ուղիղ 32 տարի առաջ՝ 1991 թվականի մարտի 31-ին, Վրաստանի ողջ բնակչությունն աշխարհին հայտարարեց, որ աջակցում է Վրաստանի անկախության վերականգնմանը: Հենց մարտի 31-ի հանրաքվեի արդյունքներն էլ հիմք դարձան 1991 թվականի ապրիլի 9-ին Գերագույն խորհրդի կողմից Անկախության ակտի ընդունման համար:

Երեկ՝ մարտի 31-ին, հանրաքվեի տարեդարձի առիթով իր շնորհավորական ուղերձում Վրաստանի վարչապետ Իրակլի Դարիբաշվիլին նշեց, որ այդ օրը Վրաստանի նորագույն պատմության մեջ օրինակելի դարձավ քաղաքացիական միաձայնության տեսանկյունից:

- Մեր բազմազգ երկրի ողջ տարածքում անցկացված հանրաքվեում մեր ժողովուրդը, այդ թվում՝ աբխազ եւ օս հայրենակիցները, պաշտպանեցին ան-



կախ Վրաստանի գաղափարը:

Մարտի 31-ը ուշագրավ է եւս մեկ պատճառով: Այսօր հանրաքվեի ոգեշնչող, Վրաստանի անկախության համար պայքարող (Շարունակությունը՝ 2-րդ էջում)

ԵՎՐԱԽՆՏԵԳՐՈՒՄ

ՇԱՌԼ ՄԻՇԵԼ. «ՎՐԱՍՏԱՆԻ ԱՆՊԱՄԱԿՈՒԹՅԱՆ ՇՈՒՐԶ ՈՐՈՇՈՒՄԸ ԿԱՐՈՂ Է ԸՆԴՈՒՆՎԵԼ 2023-ԻՆ»

Եվրոպական խորհուրդը Վրաստանի, Ուկրաինայի եւ Մոլդովայի՝ ԵՄ-ին անդամակցության շուրջ բանակցությունների գործընթացն սկսելու որոշումը պետք է ընդունի մինչեւ 2023 թ.-ի ավարտը: Նման հայտարարություն է արել Եվրոպական խորհրդի նախագահ Շառլ Միշելը:

Հիշեցնենք, որ 2022 թվականի հունիսին Եվրոպական խորհուրդը որոշում է ընդունել ճանաչել Վրաստանի Եվրոպական հեռանկարը եւ պատրաստակամություն հայտնել այդ երկրին Եվրամիության անդամակցության թեկնածու երկրի կարգավիճակ տրամադրել, հենց կատարվեն 12 պայմանները, այդ թվում՝ բեւեռացման վերացումը, ապա օլիգարխացումը, լրատվական միջավայրի բարելավումը, դատական համակարգի լիարժեք անկախության ապահովումը եւ այլն: Միշելի խոսքով, Եվրահամձեռնողվը պետք է հրապարակի հաջորդ հաշվետվությունը ԵՄ-ին Մոլդովայի եւ Ուկրաինայի անդամակցության գործընթացի,

ինչպես նաեւ Վրաստանի Եվրոպական հեռանկարի մասին: Բացի այդ, քննարկումներ են ընթանում Արեւմտյան Բալկանների վերաբերյալ:

Ինչպես նշեց Եվրոպական խորհրդի ղեկավարը, դա լինելու է քաղաքական որոշում՝ հաշվի առնելով այն զեկույցը, որը պատրաստվել է Եվրահամձեռնողվը:

Ավելացնենք, որ Վրաստանը Եվրահամձեռնողվի միջանկյալ գնահատականին սպասում է ամռանը, իսկ թեկնածուի կարգավիճակ տրամադրելու վերաբերյալ վերջնական որոշմանը՝ տարեվերջին:

(Խորագրի շարունակությունը՝ 3-րդ էջում)

ԴԻՎԱՆԱԳԻՏԱԿԱՆ

ՇԱՐՈՒՆԱԿՎՈՒՄ ԵՆ ՀԱՅԱՍՏԱՆՈՒՄ ՎՐԱՍՏԱՆԻ ԴԵՄՊԱՆԻ ՃԱՆԱԶՈՂԱԿԱՆ ՀԱՆԴԻՊՈՒՄՆԵՐԸ

Հայաստանում Վրաստանի նորանշանակ արտակարգ եւ լիազոր դեսպան Գիորգի Շարվաշիձեն շարունակում է ծանաչողական հանդիպումները Հայաստանի գործադիր եւ օրենսդիր մարմինների ղեկավարների հետ:

Օրերս Հայաստանում Վրաստանի դեսպան Գիորգի Շարվաշիձեն հանդիպում ունեցավ Հայաստանի ներքին գործերի նախարար Վահե Ղազարյանի, տարածքային կառավարման եւ ենթակառուցվածքների նախարար Գնել Սանոսյանի հետ:

Հանդիպումներում կողմերը բարձր գնահատեցին Վրաստանի եւ Հայաստանի միջեւ համագործակցության մակարդակը՝ շեշտելով առանձին գերատեսչությունների միջեւ առկա հարաբերությունների էլ ավելի ակտիվացման կարեւորությունը:

ԱՌՈՂՋԱՊԱՅՈՒԹՅՈՒՆ


ԻՐԱԿԻ ԴԱՐԻՔԱՆՈՒՄ. «ՀԱՄԸՆԴՐԱՆՈՒՐ ԱՌՈՂՋԱՊԱՅՈՒԹՅԱՆ ԾՐԱԳՐԻ ՇՆՈՐՀԻՎ ՄԵՐ ՔԱՂԱՔԱՑԻՆԵՐԸ ՏՆՏԵՍԵՑԻՆ 6,3 ՄԻԼԻԱՐԴ ԼԱՐԻ»

(Սկիզբը՝ 1-ին էջում)

էր, կազմում էր ընդամենը 70 միլիոն լարի, եթե մենք չսկսեինք նշված ծրագիրը, ապա մեր բնակչությունը, քաղաքացիները՝ մոտ երեք միլիոն մարդ պետք է սեփական գրպանից վճարեր 6 միլիարդ 300 միլիոն լարի: Այսօր մենք ունենք արմատապես փոխված իրավիճակ: Տասը տարվա ընթացքում պետությունը յոթ միլիարդ լարիով ֆինանսավորել է ծրագրերը: Դրանով մենք իրականում արմատական, փոխակերպիչ փոփոխություններ ենք կատարել այս ոլորտում: Համեմատության համար ասեն, որ եթե նախկինում բժշկական օգնություն ստանա-

լու իրավունք ուներ բնակչության միայն 40 տոկոսը, ապա այսօր այդ ցուցանիշը հասել է 94 տոկոսի: Համընդհանուր առողջապահական ծրագրից օգտվում է մեր բնակչության 94 տոկոսը, ինչն իհարկե, շատ մեծ արդյունք է: ասաց վարչապետն ու հավելեց, որ մասնավոր բժշկական կլինիկաները պետության կողմից համընդհանուր առողջապահական ծրագրերի վրա ծախսած միջոցներից ստացել են գրեթե 6,8 մլրդ լարի: «Սրանով, իհարկե, վերջին տասը տարում առողջապահության ոլորտը շատ է զարգացել: Այսինքն՝ այն իրականությունը, որին մենք համոզյալեցինք, եւ այն, ինչ ունենք այսօր, նման են գիշերցրեկվան:

Եթե երկրում դեռ լինեի այս ճնշող, նեոֆաշիստական ռեժիմը, տասնյակ հազարավոր մարդիկ պարզապես չէին կարողանա բուժվել, եւ մենք փրկեցինք հազարավոր կյանքեր, սա է իրականությունը: ասաց Իրակի Ղարիբաշվիլին: - Հիշեցնեմ նաեւ, որ վերջին տարիներին առողջապահության ոլորտին հատկացվող պետական հատկացումների չափերն անմախաղեպ աճել են: Նշենք, որ 2012 թվականի 450 մլն լարիից այս տարի այն արդեն հասել է 1 մլրդ 450 մլն լարիի, գրեթե 1,5 մլրդ դարձել է առողջապահության ոլորտին հատկացվող բյուջեն, ինչը, իհարկե, մեծ առաջընթաց է, ասաց Իրակի Ղարիբաշվիլին:



ԱՄՆ ՄԵՂԱԴՐԱՆՔ ԴՈՆԱԼԴ ԹՐԱՄՓԻ ԴԵՄ

ԱՄՆ 45-րդ նախագահ Դոնալդ Թրամփին մեղադրանք է առաջադրվել Նյու Յորքի երդվյալ ատենակալների կողմից: Նրան մեղադրում են պոռնոաստղ Սթորմի Դենիելսին լռեցնելու համար նրան կաշառելու մեջ: Սա պատմական քայլ է, քանի որ առաջին անգամ է, որ ԱՄՆ որեւէ նախկին նախագահի քրեական մեղադրանք է առաջադրվում: Առաջին անգամ է, որ նախկին նախագահից պետք է մատնահետքեր վերցնեն, լուսանկարեն ոստիկանության բաժանմունքում եւ նստեցնեն մեղադրյալի աթոռին: Սթորմի Դենիելսը պնդում է, որ 2006 թվականին հարաբերություններ է ունեցել Թրամփի հետ, եւ որ Թրամփի փաստաբան Մայքլ Քոհենն իրեն 130 000 դոլար է վճարել, որպեսզի ինքը դրա մասին չբարձրաձայնի: Թրամփը հերքել է սա՝ մեղադրանքի առաջադրումը որակելով որպես քաղաքական հետապնդում:

ԻՍՐԱՅԷԼ ՕՐԻՆԱԳԻԾԸ ԿԱՍԵՑՎԵՑ, ՍԱԿԱՅՆ ՑՈՒՅՑԵՐԸ ՇԱՐՈՒՆԱԿՎՈՒՄ ԵՆ

Մարտի 27-ի երեկոյան Իսրայելի վարչապետ Բենյամին Նեթանյահուն հայտարարեց, որ ժամանակավորապես կասեցնում է դատական բարեփոխումները: Նեթանյահուն միեւնույն ժամանակ նշել է, որ իր կառավարությունն ի վերջո կկատարի բարեփոխումներ, որոնք «կվերադարձնեն իշխանության ճյուղերի միջեւ հավասարակշռությունը»: Իսրայելի վարչապետի հայտարարությունից հետո, արհմիությունները չեղարկել են հայտարարված գործադուլը, սակայն հակակառավարական ցույցերը շարունակվել են:

ՖՐԱՆՍԻԱ ԲՈՐՈՔԻ ՑՈՒՅՑԵՐ՝ ԿԵՆԱԹՈՇԱԿԱՅԻՆ ԲԱՐԵՓՈԽՈՒՄՆԵՐԻ ԴԵՄ

Ֆրանսիայի կառավարության կողմից ընդունված կենսաթոշակային բարեփոխումների դեմ տասներորդ համազգային գործադուլին զուգահեռ, արհմիությունների կողմ Փարիզում սկսվել է ակցիա, որին մասնակցում են տասնյակ հազարավոր մարդիկ: Հիշեցնենք, որ Ֆրանսիայի վարչապետ Էլիզաբեթ Բյոռնը մարտի 16-ին օգտագործել է Սահմանադրության 49.3-րդ հոդվածը, որպեսզի առանց խորհրդարանի քվեարկության անցկացնի երկրում կենսաթոշակային տարիքը 62-ից 64 բարձրացնելու օրինագիծը: Ավելի վաղ, այս օրենքն արդեն բողոքի մեծ ալիք էր բարձրացրել: Ցույցերից մի քանիսին ամբողջ երկրում շուրջ 1 միլիոն մարդ է մասնակցել: Բողոքի ակցիաներն ուղեկցվել են ոստիկանների հետ բախումներով եւ անկարգություններով:

ՏԱՐԵՂԱՐՁ

ՄԱՐՏԻ 31-Ի ՀԱՆՐԱՔԿԵՆ ԱՄՈՒՐ ՀԻՄՔ՝ ԺԱՄԱՆԱԿԿԻՑ ԴԵՏՈՒԹՅԱՆ ԿԱՌՈՒՅՄԱՆ ՀԱՄԱՐ

(Սկիզբը՝ 1-ին էջում)

րի խորհրդանիշ նախագահ Զվիադ Գամասխուրդիայի ծննդյան 84-ամյակն է: Մարտի 31-ի հանրաքվեն կնմա մեր պատմության մեջ

որպես իրադարձություն, որը ամուր հիմքեր դրեց անկախ, ժամանակակից, եվրոպական պետության կառուցման համար՝ շարժվելով դեպի այն նպատակը, որը միավորում է վրացիների բոլոր սե-

րունդներին,- նշեց Իրակի Ղարիբաշվիլին: Մարտի 31-ին, Վրաստանի վարչապետ Իրակի Ղարիբաշվիլին ու խորհրդարանի նախագահ Շավկա Պապուաշվիլին այցելեցին

Մթածմինդայի գորողների եւ հասարակական գործիչների պալատին, ուր ծաղկեցրեցին Վրաստանի առաջին նախագահ Զվիադ Գամասխուրդիայի գերեզմանը:

ՇՆՈՐՀԱՆԴԵՍ

ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ԲՈԼՈՐ ՀԻՄՆԱԿԱՆ ԳՈՐԾԱՌՈՒՅԹՆԵՐԸ՝ ՄԵԿ ՀՈՎԱՆՈՒ ՆԵՐՔՈՒ

(Սկիզբը՝ 1-ին էջում)

թյուն ներկայացնել նրանց,- հայտարարեց Իրակի Ղարիբաշվիլին եւ հավելեց, որ կառույցիայի դեմ պայքարի վարկանիշով 154 երկրների թվում Վրաստանը 34-րդն է եւ գերազանցում է Եվրամիության 11, ՆԱՏՕ-ի 13 երկրների: Վրաստանն առաջինն է Հարավային Կովկասի եւ Սեւծովյան ավազանի երկրների թվում: - Առաջարկած թեկնածուների ցուցակից Ռաֆել Կուպրաշվիլին նշանակվել է բյուրոյի ղեկավար: Ուզում են եւս մեկ անգամ շնորհավորել եւ հաջողություն մաղթել,- ասաց վարչապետը: Իրակի Ղարիբաշվիլու պարզաբանմամբ, բյուրոյի գոր-

ծունեության հիմնական ուղղություններից է հակակոռուպցիոն քաղաքականության սահմանումը՝ համապատասխան պետական գերատեսչությունների հետ ամուր համակարգմամբ: Բյուրոն իրավասու է վերահսկել հակակոռուպցիոն քաղաքականության փաստաթղթերի իրականացումը եւ համապատասխան հանձնարարականներ տալը: Բյուրոյի կողմից տրված հանձնարարականները լինելու են մեր երկրի հզոր հակակոռուպցիոն քաղաքականության որոշիչ մեխա-



նիզմը,- ասել է վարչապետը:

ՔԱՂԱՔԱԳԵՏԻ ՄԵԿՆԱԲԱՆՈՒԹՅՈՒՆ

ՎԱԽԹԱՆԳ ՄԱԽՍԱԻԱ. «ՀԱՅԱՍՏԱՆԻ ԱՉԳԱՅԻՆ ԺՈՂՈՎԻ ՈՐՈՇՈՒՄԸ ԴԱՅԱՄԱՆՎՈՐՎԱԾ ԵՄ ՄՈՍԿՎԱՅԻ ՎԵՐՋԻՆ ԺԱՄԱՆԱԿՆԵՐԻ ԳՈՐԾՈՂՈՒԹՅՈՒՆՆԵՐՈՎ»



Մեկնաբանելով Հայաստանի Ազգային ժողովի կողմից Վախթանգի Պուտինի ձեռքբերական օրդերի որոշումը կայացրած միջազգային քրեական դատարանի հետ պայմանավորվածությունների վավերացման փաստը՝ վրաց ճանաչված քաղաքագետ Վախթանգ Մախախան Նշել է, որ դա չի նշանակում, թե Հայաստան գալու դեպքում, Պուտինը անվերապահորեն կձեռքբերակվի: Թեեւ, եթե Երեւանը հաշվի չառնի Ռուսաստանի դիրքորոշումը, ապա լուրջ փորձությունների կենթարկվի:

- Ըստ իս, սույն որոշումը Փաշինյանի խաղերի մի մասն է, որը նա սկսել է Կրեմլի նկատմամբ: Այդ որոշումը Երեւանը կանխամտածված է ընդունել՝ ելնելով Մոսկվա-

յի վերջին ժամանակների գործողություններով,- հայտարարեց քաղաքագետն ու հավելեց, որ միեւնույն է, Փաշինյանը կգործի՝ ելնելով Ռուսաստանի շահերից, քանի որ Ռուսաստանը Հայաստանի վրա ազդեցության բազում լծակներ ունի:

ՌՈՒՄ - ՈՒԿՐԱԻՆԱԿԱՆ ԴԱՏԵՐԱԶՄ

ՕԿՈՒՊԱՆՏՆԵՐԻ ՀԱՐՁԱԿՈՒՄՆԵՐԸ ԵՏ ԵՆ ՄՐԿԵԼ

Ուկրաինայի Ձինված ուժերի գլխավոր շտաբի տեղեկատվությամբ, անցած օրվա ընթացքում Ուկրաինայի Ձինված ուժերը չորս ուղղություններով ետ են մղել ռուսական ավելի քան 60 հարձակում:

Ըստ ուկրաինական կողմի, հակառակորդի հիմնական ուժերը մոբիլիզացված են Լիմանի, Բախմուտի, Ավդեևկայի եւ Մարիիսկի ուղղություններով: Ռմբակոծվել են Սումի շրջանն ու Խարկովը, որտեղ մեկ մարդ զոհվել է, մեկը՝ վիրավորվել:

ՎԱԽԹԱՆԳ ԿԱՊԱՆԱՅԵ. «ԲԱԽՄՈՒՏԻ ՀԱՍԱՐ ԿՈՒՎՆԵՐԸ ԿՇԱՐՈՒՆԱԿՎԵՆ»

Ռուս-ուկրաինական պատերազմում որոշակի փակուղային իրավիճակ է ստեղծվել: Մասնավորապես, ռուսական լրատվամիջոցները հազվադեպ են սկսել ռեպորտաժներ տեղադրել Բախմուտի շուրջ ծավալված իրադարձությունների վերաբերյալ:

- Արդեն յոթ ամիս է, ինչ ռուսները համառ պայքար են մղում 70 հազար բնակչություն ունեցող Բախմուտի համար եւ չեն կարողանում անգամ այն շրջապատել,- մեկնաբանելով ռուս-ուկրաինական պատերազմի ընթացքը՝ նշեց Վրաստանի Ձինված ուժերի գլխավոր շտաբի նախկին ղեկավար Վախթանգ Կապանաձեն եւ հավելեց, որ ներկա դրությամբ ռուսները ձգտում են զարգացնել «Վազների» կողմից ձեռք բերած մասնակի հաջողությունը:

- Այսօրվա դրությամբ, ռուսները վերահսկում են քաղաքի 75 տոկոսը, թեեւ վերջնականապես այն գրավել չեն կարողանում,- նշեց Վախթանգ Կապանաձեն: Վրաց փորձագետի համոզմամբ, Բախմուտի համար կռիվները կշարունակվեն:

ՌՈՒՄԱԿԱՆ ԿՈՂՄԻ ԶՈՐԵՐԻ ԹԻՎԸ ԳԵՐԱՋԱՆՑԵՑ 170 ՀԱՋԱՐԸ

Ինչպես տեղեկացրել է Ուկրաինայի Ձինված ուժերի գլխավոր շտաբը, 2022 թվականի փետրվարի 24-ից մինչեւ 2023 թվականի մարտի 31-ը ներառյալ, ուկրաինական

բանակի կողմից սպանվել է 173 360 ռուս զինծառայող, ոչնչացվել 3615 տանկ, 6977 զրահամեքենա, 2675 հրետանային համակարգ, համազարկային 526 համակարգ, հակաօդային պաշտպանության 278 համակարգ, 306 ինքնաթիռ, 291 ուղղաթիռ, 5521 ավտոմոբիլային տեխնիկա, 18 մարտանավ, 2248 անօդաչու թռչող սարք, 911 թեւավոր իրթիռ, 294 հատուկ տեխնիկա:

ՈՒԿՐԱԻՆԱՅՈՒՄ ԶՈՐԿԵՑ ԹՎՈՎ 38-ՐԴ ՎՐԱՑ ԶԻՆՃԱՌԱՅՈՂԸ

Ուկրաինայում Ռուսաստանի սանձազերծած պատերազմում եւս մեկ վրացի մարտիկ է զոհվել: 23-ամյա Իլիա Չոխեժին մահացել է Խարկովի մոտ ընթացող մարտերում: Նա ռազմաճակատում կռվել է Ուկրաինա ռուսական մերխուժման առաջին իսկ օրվանից: Մահվան մասին տեղեկությունը հաստատել են Վրաստանի Դեդփիլիսոժարոյի մունիցիպալիտետում բնակվող հարազատները:

Ըստ լրատվական գործակալությունների

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԽՈՐՀՐԴԱՐԱՆ

ԳԻՈՐԳԻ ՎՈՒՍԿԻ. «ԽՈՐՀՐԴԱՐԱՆԱԿԱՆ ԲՈՅԿՈՏԻ ԴԱԴԱՐԵՑՄԱՆ ՄԻԱԿ ՆՊԱՏԱԿԸ ԶԵՂԱՓՈԽԱԿԱՆ ՍՑԵՆԱՐՆԵՐԻ ԶԱՐԳԱՑՈՒՄՆ Է»



«Ազգային շարժումը» վերադառնում է խորհրդարանական կյանք եւ արդեն ներգրավված է խորհրդարանական կյանքում, հատկապես՝ մարտի 7-8-ի դեպքերից հետո:

Նշվում է, որ կուսակցությունը խորհրդարանական գործունեությանը կներգրավվի Վրաստանի ազգային շահերին վերաբերող բոլոր հարցերի քննարկումների կապված եվրոպական օրակարգի, թե 12 կետերի կատարման վրա: Հիշեցնենք, որ «Ազգային շարժումը» հայտարարեց խորհրդարանական բոյկոտ եւ, ի նշան

բողոքի, չներկայացավ լիազումար նիստերին: Վրաստանի խորհրդարանի առաջին տեղակալ Գիորգի Վոլսկին, մեկնաբանելով Ազգային շարժման կողմից խորհրդարանական բոյկոտի դադարեցման որոշումը, նշեց, որ խորհրդարանական նիստերին մասնակցելու միակ նպատակը հեղափոխական սցենարների զարգացումն է: Խոսակցություններն այս մասին արդեն երկար ժամանակ են թավալվել, ուղղակի համրությունն այս մասին նոր է իրազեկվում, հայտարարեց Գիորգի Վոլսկին:



ՆՇՎԵՑ ՎՐԱՑ ՈՒՂԱՓՈՒ ԵԿԵՂԵՑՈՒՄ ԻՆՔՆԱՎԱՐՈՒԹՅԱՆ ՎԵՐԱԿԱՆՁՆԱՆ 106-ՐԴ ՏԱՐԵԴԱՐԺԸ

Մարտի 25-ին Վրաց Ուղղափառ Եկեղեցին նշեց ինքնավարության (ավտոկեֆալիա) վերականգնման 106-րդ տարեդարձը: Օրվա առիթով վրաց հասարակայնությունը շնորհավորեցին Վրաստանի վարչապետ Իրակլի Դարիբաշվիլին, նախագահ Սալոմե Ջուրաբիշվիլին:

Հիշեցնենք, որ 1801 թվականին Ռուսաստանի կայսրության բռնակցումից հետո ինքնավարությունը կորցրած Վրաց Ուղղափառ Եկեղեցին այն վերականգնեց 1917 թվականի մարտի 25-ին:

ՎՐԱՍՏԱՆՈՒՄ ՎԱՐԿԵՐՆ ԱՃԵԼ ԵՆ 13,3 ՏՈԿՈՍՈՎ

Վրաստանի Ազգային բանկի տեղեկատվությանը, 2023 թվականի հունվարին երկրում վարկերն աճել են տարեկան 13,3 տոկոսով, իսկ վարկավորման տոկոսադրույքը, մայրորդ ամսվա համեմատ, աճել է 1,2 տոկոսային կետով: Իրավաբանական անձանց ազգային արժույթով տրված վարկերի տոկոսադրույքն այս տարվա հունվարին նվազել է 0,2 տոկոսային կետով եւ կազմել 13,9 տոկոս: Ազգային արժույթով հիփոթեքային վարկերի տոկոսադրույքը նվազել է 0,2 տոկոսային կետով եւ կազմել 12,2 տոկոս:

358 ՀԱՋԱՐ ԿԵՆՍԱԹՈՇԱԿԱՌՈՒ ՎԱՐԿ Է ՎԵՐՑՐԵԼ

Liberty Bank-ի տվյալներով, 2022 թվականի չորրորդ եռամսյակի դրությամբ, կենսաթոշակներով վերցված վարկ ունի 358 հազար հաճախորդ: Այդ վարկերի ընդհանուր գումարը կազմում է 345 մլն լարի: Ըստ այդմ, մեկ կենսաթոշակային վարկի միջին չափը կազմում է 967 լարի: Ընդհանուր առմամբ, կենսաթոշակային վարկերը կազմում են բանկի վարկային պորտֆելի 14 տոկոսը:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (31 մարտի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.5604
1 ԵՎՐՈ	2.7862
100 ՌՈՒԲԼԻ	3.3149
1000 ԴՐԱՄ	6.5778

ՓՈՓՈԽՈՒԹՅՈՒՆՆԵՐ՝ ՎՐԱՍՏԱՆԻ ՔԱՂԱՔԱՅԻՈՒԹՅԱՆ ՇՆՈՐՀՄԱՆ ՕՐԵՆՔՈՒՄ

Վրաստանի խորհրդարանի հաստատմանն է ներկայացվել «Վրաստանի քաղաքացիության մասին» օրենքի փոփոխությունը, ըստ որի, արտագաղթածների մեծամասնությունը բացառության կարգով, կարող է ստանալ Վրաստանի քաղաքացիություն:



Ներկա դրությամբ, բացառության կարգով Վրաստանի քաղաքացիություն է շնորհվում բռնագաղթածներին կամ պաշտոնական Վրաստանի իրավասության տակ չգտնվող տարածքների բնակիչներին՝ քաղաքական շարժառիթներով կամ սոցիալ-տնտեսական ծանր իրավիճակից ելնելով, երկիրը լքած արտագաղթածներին, Վրաստանի էկոնոմիկայում ներդրումներ կատարած, էկոնոմիկայի զարգացման գործում խոշոր

ավանդ ներդրած օտարերկրացիներին, հաջողությունների հասած մարզիկներին, Վրաստանի դրոշի ներքո աշխատել ցանկացող գիտնականներին կամ արվեստի գործիչներին: Օրինադրական հեղինակներն առաջարկում են ընդլայնել վերոնշյալ ցուցակը եւ ներառել Վրաստանի տարածքում ռազմական գործողությունների արդյունքում՝ ելնելով առողջական վիճակից, երկրից արտագաղթած անձանց

եւ ընտանիքների միավորման նպատակով, այդ ընտանիքի անդամներին: Ընդ որում, բացառության կարգով քաղաքացիության շնորհման ենթակա անձինք պարտադիր պետք է իմանան վրաց լեզուն, Վրաստանի պատմությունն ու հիմնարար օրենքները:

ՏՈՒԳԱՆՔ՝ ՏՐԱՆՍԴՈՐՏԱՅԻՆ ՄԻՋՈՑԻ ՏԵԽՋՆՆՈՒՄ ԶԱՆՑՆԵԼՈՒ ՀԱՄԱՐ

Վրաստանի խորհրդարանը երրորդ ընթերցմամբ՝ 68 ծայնով, միաձայն ընդունեց «Վարչական իրավախախտումների վերաբերյալ օրենսգրքի» փոփոխությունները, որոնց համաձայն, տուգանքները բարձրացվում են տրանսպորտային միջոցների տեխնոլոգիայի զարգացման կրկնակի դեպքերի համար:

Հիշեցնենք, որ գործող «Վարչական իրավախախտումների օրենսգրքով» պարբերական տեխնոլոգիայի վարորդը տուգանվում է 50 լարիով: Օրենսգրքը սանկցիա չի նախատեսում նշված իրավախախտումը կրկնելու դեպքում: Համաձայն օրենսդրական փոփոխությունների, եթե անձը, որը մեկ անգամ տուգանվել է սահմանված կարգով տեխնոլոգիայի օգտագործման չկատարելու կամ տեխնոլոգիայի օգտագործման տրանսպորտային միջոցն այլ անձին վարելու կամ շահագործելու նպատակով տրանսպորտային միջոցն այլ անձին վարելու կրկնելու դեպքում է նույնը, համապատասխան տուգանքի

նշանակումից 30 օրվա ընթացքում՝ ֆիզիկական անձը տուգանվում է 150 լարիի չափով, իսկ իրավաբանական անձը՝ 300 լարիով: Նույն սկզբունքով, եթե վերոնշյալ իրավախախտումը նորից է կրկնվում, ապա տուգանքը 300 լարի է ֆիզիկական, իսկ իրավաբանական անձի համար՝ 500 լարի: Նույն իրավախախտման համար տուգանք նշանակելուց 30 օր հետո յուրաքանչյուր հաջորդ իրավախախտման արդյունքում ֆիզիկական անձը տուգանվում է 500 լարիի, իսկ իրավաբանական անձը՝ 700 լարիի չափով:

ԵՎՐԱԽՆՏԵԳՐՈՒՄ

ԿԱՄԻՍ ԿԱԼԱՋԵ. «ՄԵՐ ՆՊԱՏԱԿՆ Է ԿԵՐՏԵԼ ԵՐԿՐԻ ԱՊԱԳԱՆ՝ ՇԱՐԺՎԵԼՈՎ ԴԵՊԻ ԵՎՐԱԽՆՏԵԳՐՈՒՄ»



Ինչպես արդեն հաղորդել ենք, կառավարող «Վրացական երազանք» կուսակցությունը տարածաշրջաններում անցկացնում է համաժողովներ:

Աջարիայում անցկացված համաժողովին կուսակցության գլխավոր քարտուղար Կախա Կալաձեն, ներկայացնելով երկրում ընթացող գործընթացները, նշեց, որ շատ կարեւոր ծրագրեր են իրականացվում, սակայն, իհարկե, խնդիրներ ու մարտահրավերներ շարունակվում են մնալ: - Հիմնական մարտահրավերներից մեկը հասարակության բեւեռացումն է, ինչին փորձում է հասնել արմատական ընդ-

դիմությունը: «Վրացական երազանքը» եղել է, կա եւ կլինի միայն Վրաստանի շահերը կրող ուժը եւ երբեք չի դիմի այնպիսի քայլի, որը կվճարի երկրին: Մենք ունենք կոնկրետ նպատակ՝ կերտել այս երկրի ապագան՝ շարժվելով դեպի եվրաինտեգրում, - ասել է Կախա Կալաձեն:

ՏԱՐԱԾԱՇՐՋԱՆ

ՄԱՌՆԵՈՒԼԻ. ԻՐԱԿԱՆԱՑՎՈՒՄ ԵՆ ԵՆԹԱԿԱՌՈՒՅՑԱՅԻՆ ՆԱԽԱԳԾԵՐ


2023 թվականին Մառնեուլիի քաղաքապետարանի 10 գյուղերում նախատեսվում է ներքին ճանապարհային ենթակառուցվածքի բարեկարգում: Քաղաքապետարանի հաղորդագրության համաձայն, Բաիդար, Սաղլո, Դիոկնիս եւ Ծոփ գյուղերում ներքին ճանապարհներ են ասֆալտապատվելու: Ծերաքվի եւ Սիոնի գյուղերի ճանապարհները երկաթբետոնե ծածկույթով են պատվելու: Շուկավեր գյուղում կբարեկարգվեն ներքին ճանապարհները: Ասֆալտապատվելու են Դամիա-Գեուրարիսիի հանրակրթական դպրոց տանող եւ Մուլաօլլի գյուղ տանող ճանապարհները: Նշենք, որ անցյալ տարի բարեկարգվել են մունիցիպալիտետի 15 գյուղերի ներքին ճանապարհները: * * *

Չամախչի գյուղում ակտիվ առաջ են տարվում խմելու ջրի մատակարարման համակարգ անցկացնելու համար ջրհորի հորատման աշխատանքները: Ինչպես ասաց Մառնեուլիի սակրեբուլոյի պատգա-

մավոր Արսեն Հախվերդյանը, այս պահի դրությամբ մեքենաներն արդեն հորատում են 60 մետր խորությամբ: Ի դեպ, Չամախչի գյուղում նախատեսվում է 180 մետր խորությամբ ջրհոր կառուցել, խմելու ջուրը հասցնել ջրահավաք ավազան, ինչպես նաեւ գյուղում խմելու ջրի ներքին ցանց անցկացնել: Հարկ է նշել, որ Չամախչի գյուղում խմելու ջրի մատակարարման համակարգ անցկացնելու համար, Մառնեուլիի քաղաքապետարանը 887 հազար 661 լարիի մրցույթ էր հայտարարել հունվարին: * * *

Մառնեուլիի մունիցիպալիտետի Օփրեթի գյուղում կառուցվող բազմաֆունկցիոնալ շենքի ներքին հարդարման աշխատանքներ են իրականացվում, Մունիցիպալիտետի սակրեբուլոյի պատգամավոր Ար-

սեն Հախվերդյանի խոսքով, շենքի լուսամուտների եւ դռների տեղադրումից հետո, սկսվել են ներքին հարդարման աշխատանքները, որոնք եւս ակտիվ կերպով ընթանում են: Նշենք, որ Օփրեթիում բազմագործառույթ շենքի կառուցման համար մրցույթ էր հայտարարել 2022 թվականի մարտին: Շենքի կառուցման համար հատկացվել էր 316 հազար 356 լարի: Մրցութային փաստաթղթերի համաձայն, հաղթող ընկերությունը պետք է ավարտեր շենքի շինարարական աշխատանքները պայմանագրի կնքումից հետո 180 օրացույցային օրվա ընթացքում: Ի դեպ, Օփրեթի գյուղը գտնվում է Մառնեուլիից 50 կմ հեռավորության վրա: Գյուղում ապրում է մոտ 60 մարդ: Օփրեթիում նախորդ տարի ասֆալտապատվել է 835 մետր ճանապարհ, որի համար ծախսվել է 350 հազար լարի: Գյուղը զազիֆիկացված չէ, արտաքին լուսավորությունը մասնակի է տեղադրված: Էջը պատրաստեց ՅՈՒՐԻ ԽՈՐԵՆՅԱՆԸ



Արսեն Հախվերդյան

ՍՈՑԻԱԼԱԿԱՆ

ԱՐԶԻԼ ՄԵՍՏՎԻՐԻՇՎԻԼԻ. «ԳՆԱԾԸ ՆՎԱԶԵՑՄԱՆ ՄԻՏՈՒՄ ՈՒՆԻ»



Վրաստանի Ազգային բանկի նախագահի պաշտոնակատար Արչիլ Մեստվիշվիլու հայտարարությանը զմաճրդը նվազման միտում ունի, եւ ակնկալվում է, որ այն կշարունակվի հաջորդ ամիսներին, իսկ երկրորդ կիսամյակում գնաճը կլինի նպատակայինից ցածր:

Նպաստում են դրամավարկային խիստ քաղաքականությունը, հարկաբյուջետային կոնսուլիդացիան եւ արտաքին գործոնները: Եթե դիտարկենք զնաճի դինամիկան, ապա նվազման հարցում որոշիչ են արտաքին գործոնները, մինչդեռ տեղական գնաճը շարունակում է բարձր մնալ,- ասաց Արչիլ Մեստվիշվիլին ու հավելեց, որ կան մի քանի գործոններ, որոնք ազդում են տեղական արտադրության արտադրանքի զնաճի վրա:

- Առաջինը պահանջարկի ավելացումն է, եւ մենք դրան արձագանքում ենք ավելի խիստ դրամավարկային քաղաքականությամբ: Այս աճող պահանջարկն արտահայտվում է տեղական արտադրանքի գներով: Երկրորդ գործոնը անշարժ գույքի գներն են, որոնք բավական ցավոտ են բոլորի, այդ թվում՝ բիզնեսի համար, եւ դրա ազդեցությունը զնաճի վրա նույնպես աստիճանաբար նվազում է, քանի որ անշարժ գույքի գներն այլեւս չեն աճում այդքան արագ տեմպերով,- նշեց Արչիլ Մեստվիշվիլին:

Ինչպես եւ սպասվում ու կանխատեսվում էր, զնաճն ունի կտրուկ արտահայտված նվազման միտում, եւ ակնկալվում է, որ այն կշարունակվի նաեւ առաջիկա ամիսներին: Երկրորդ կիսամյակում գնաճը կլինի նպատակայինից ցածր: Գնաճի նվազման միտմանը

ԱՐԴԵՆ ՎԱԿԵՐԱՑՎՈՒՄ Է ԳՆԱԾԻ ԱՆԿՈՒՄ

Վրաստանի Ազգային բանկի տարածած հաղորդագրության համաձայն, ընթացիկ տարվա փետրվարին տարեկան զնաճը կազմել է 8,1 տոկոս, իսկ հունվարի համեմատ, գները նվազել են 0,3 տոկոսով:

Ըստ Կենտրոնական բանկի, Վրաստանում գնաճը հաղթահարել է գազաթնակետը եւ վերջին ամիսներին կրճատում ունի: Միջազգային շուկաներում ապրանքների գները կայուն իջնում են, կրճատվում է միջազգային բեռնափոխադրման արժեքը: Այս միտումները փոխանցվում են վրացական շուկային եւ նվազեցնում զնաճի ամրապնդվող փոխարժեքի ֆոնը: Խստացված դրամավարկային քաղաքականությունը նույնպես նպաստում է զնաճի կրճատմանը: Փետրվարին, նախորդ ամսվա համեմատ, առավել ընտրված սեզոնային գործոնը բանադրեղենի աճն էր, ինչը 0,2 տոկոսով ավելացրեց զնաճը: Ի հակադրություն զնաճի, բենզինի

գինը իջել է 6,5 տոկոսով: Հիմնական զնաճը, որը բացառում է սպառողական զանրյուղից սննդի, էներգիայի եւ ծխախոտի մեծ տատանումները, փետրվարին կազմել է 6,6 տոկոս, թեւեւ զնաճի կրճատումը հիմնականում պայմանավորված է ներմուծվող զնաճի անկմամբ:

«Վերջին ամիսներին զնաճն անկում ունի, որին աջակցում են ապրանքատեսակների որոշակի կայունացումն ու միջազգային շուկաներում միջազգային տրանսպորտային ծախսերի նվազեցումը: Փետրվարին ներմուծված զնաճը նվազել է մինչեւ 2,9 տոկոս», - ասված է Ազգային բանկի հոդորդագրության մեջ:

ԲԱՆԱԿ

ԸՆԹԱՋԻ ՄԵՋ Է ՊԱՇՏՊԱՆՈՒԹՅԱՆ ՈՒԺԵՐԻ ՊԱՅՄԱՆԱԳՐԱՅԻՆ ԾԱՌԱՅՈՒԹՅԱՆ ՀԱՄԱՐՄԱՆ ԳՈՐԾԸՆԹԱՋԸ

«Վրաստանի» վերջին համարներից մեկում հրապարակել էիք Վրաստանի պաշտպանության նախարարության պայմանագրային ծառայության լրացման վերաբերյալ լրատվությունը: Ողբան հասկանում եմ, խոսքը վերաբերում է 18-35, եւ նույնիսկ 45 տարեկան Վրաստանի քաղաքացիներին:

Եթե հնարավոր է, խնդրում եմ, առավել մանրամասնեք պայմանագրային զինծառայության վերաբերյալ:

Հարգանքներով՝

Ս. ՄՈՒՐԱԴՅԱՆ

Ախալքալաքի

Ի պատասխան Ձեր մամակի, հաստատում ենք, որ «Վրաստան» թերթում հրապարակվել է Վրաստանի պաշտպանության նախարարության հայտարարությունը, ըստ որի, գերատեսչությունը 18-35 տարեկան Վրաստանի քաղաքացիներին հրավիրում է միանալ պայմանագրային զինծառայությանը:

Հայտարարության մեջ նշված է, որ պայմանագրային ծառայության անցնել ցանկացող քաղաքացին պետք է անցնի գրանցում, բուժքննում եւ հիմնական մարտական պատրաստության երկամսյա դասընթաց: BCT կուրսի ընթացքում աշխատավարձը ամսական 500 լարի է: Նախնական մարտական պատրաստության դասընթացին ներգրավվելու օրվանից քաղաքացիներին տրամադրվում է սնունդ, զինվորական համազգեստ (դաշտային տեխնիկա), կացարան, բարձր մակարդակի բժշկական ծառայություններ, սոցիալական եւ իրավական երաշխիքներ: Վերաբաշխման ժամանակ հնարավորինս հաշվի է առնվում բնակության վայրի վրա հիմնված տարածքային սկզբունքը:

Բացի այդ, Վրաստանի պաշտպանության նախարարությունը չորս տարվա պայմանագրային ծառայության է հրավիրում նաեւ 18-45 տարեկանը ներառյալ Վրաստանի քաղաքացիների տարբեր մասնագիտությունների գծով՝ վարորդներ (նաեւ հատուկ տեխնիկա), լոգիստիկայի ու կապի մասնագետների, բժշկական ոլորտի ներկայացուցիչների, ճարտարագիտության եւ քիմիայի մասնագետների, ավիացիայի ու հալածողա-



յին պաշտպանության ոլորտի ներկայացուցիչների: Նշված մասնագիտությունների գծով նշանակվելիք անձինք նախնական մարտական պատրաստության կարճատեւ դասընթաց կանցնեն եւ մարտական գործունեությունը կշարունակեն՝ ըստ մասնագիտությունների ստորաբաժանումներում: Շարքայինի մեկնարկային աշխատավարձը 1530 լարի է: Աշխատավարձն ավելանում է՝ ելնելով կոչումից, պաշտոնից եւ զինվորական ստաժից: Առաջին պայմանագրի ավարտից հետո, միանվագ հավելավճարը կազմում է 5000 լարի (առձեռն), իսկ հետեւյալ պայմանագրերի ավարտից հետո՝ 3000 լարի երկու տարվա պայմանագրի, 8000 լարի՝ չորս տարվա պայմանագրի համար: Պայմանագրային զինծառայողները կօգտվեն արտոնություններից ինչպես պետական, այնպես էլ՝ բիզնես ոլորտում:

Պաշտպանության նախարարությունը զինվորականներին եւ նրանց ընտանիքի անդամներին (ամուսնուն, զավակներին) առաջարկում է համաֆինանսավորում Վրաստանի լիազորված բարձ-

րագույն ուսումնական հաստատություններում: Ինչպես նաեւ բակալավրի եւ մագիստրատուրայի հավատարմագրված կրթական ծրագրերում սովորելիս՝ բարձր առաջադիմության համար նախարարի կրթաթոշակ՝ 750 լարի մեկ կիսամյակի չափով (առանց հարկման եւ կենսաթոշակային վճարման): Նշենք, որ զինծառայողները՝ թե՛ սերժանտները, թե՛ սպաները կունենան մասնագիտական եւ կարիերայի զարգացման հնարավորություն: Գերատեսչությունը նաեւ առաջարկում է նրանց սովորել օտար լեզուներ (անգլերեն, գերմաներեն, ֆրանսերեն, թուրքերեն եւ ռուսերեն) ու մասնակցել արտերկրում (Եվրոպայում, Կանադայում եւ Ամերիկայի Միացյալ Նահանգներում) կարիերայի դասընթացների:

Ավելացնենք, որ պայմանագրային ծառայության մեկնարկից հետո, զինվորականները հնարավորություն կունենան սովորել լրացուցիչ մասնագիտություններ՝ էլեկտրիկ, էլեկտրական աղեղ եռակցող, ծամր շինարարական տեխնիկայի օպերատոր, շասսիի տեխնիկ, շարժիչի մասնագետ, ավտոմեքենա վերանորոգող (էլեկտրիկ), ցածրավոլտ էլեկտրիկ ինչպես Ձինված ուժերում, այնպես էլ՝ նախարարության ֆինանսավորմամբ քաղաքացիական քուլեջներում ու մասնագիտական ուսումնական կենտրոններում: Գրանցումն իրականացվում է առցանց՝ mod.gov.ge/onlinebct.mod.gov.ge, ինչպես նաեւ արդարադատության տնե-րում եւ հանրային կենտրոններում:

«ԲԱՆԱԿԱՅԻՆ ՀԱՄԲԱՐ» ԱՇԱԿԵՐՏՆԵՐԻ ՀԱՄԱՐ

Վրաստանի պաշտպանության նախարարությունը նոր նախագիծ է սկսում՝ երիտասարդ սերնդի մեջ հայրենասիրական ոգին բարձրացնելու, առողջ ապրելակերպ քարոզելու եւ վրացական բանակի մասին իրազեկվածությունը բարձրացնելու նպատակով:



Ամառային «Բանակային ճամբարը» նախարարության ռազմավարական հաղորդակցության եւ հասարակայնության հետ կապերի վարչության նախաձեռնած նախագիծ է: Այն այս տարի առաջին անգամ կիրականացնեն պաշտպանության եւ կրթության նախարարությունները:

«Բանակային ճամբարը» կկազմակերպվի ամռանը Կոջորիում, Գիորգի Անժոխելիձեի անվան սերժանտական ակադեմիայում, որին կարող են մասնակցել 9-րդ, 10-րդ եւ 11-րդ դասարանների աշակերտներ: Պաշտպանության փոխնախարար Գրիգոր Գիորգաձեն եւ կրթության ու գիտության փոխնախարար Թամար Մախարաշվիլին անձամբ ստուգեցին ճամբարի ենթակառուցվածքը եւ զինվորականների հետ քննարկեցին յուրաքանչյուր օրվա ծրագրի պատրաստումը:

Ամառային «Բանակային ճամբարի» իրականացումն ապահովում է ուսումնական եւ ռազմական կրթության իրամասնատարությունը: Սերժանտական ակադեմիայում արդեն սկսվել են ճամբարի համար անհրաժեշտ ենթակառուցվածքային եւ ֆիզիկական գործունեության համար նախատեսված տարածքների նախապատրաստումները:

ՈՒՍԱՆՈՂՆԵՐՆ ԻՆՔՆԱԿԱՄ ՉԵՆ ԱԶԱՏՎԻ ԶԻՆԾԱՌԱՅՈՒԹՅՈՒՆԻՑ, ԻՍԿ ՀՈԳԵՎՈՐԱԿԱՆՆԵՐՆ ԱՅԼԵՎՍ ՉԵՆ ՕԳՏՎԻ ԶՈՐԱԿՈՉԻ ՏԱՐԿԵՏՈՒՄԻՑ

Վրաստանի պաշտպանության նախարարությունն աշխատում է նոր «Պաշտպանության մասին» օրինագծի վրա, որը պարտադիր զինվորական ծառայություն կպահանջի բոլոր զորակոչիկներից, այդ թվում՝ պատահականության սկզբունքով ընտրվող ուսանողների համար:

Նախարարությունը նշում է, որ բոլոր ուսանողները չեն ենթարկվելու համալրման, նրանք կընտրվեն պատահականության սկզբունքով, էլեկտրոնային ծրագրի միջոցով:

- Եթե այս տարի պետք է հավաքագրվի 7000 զինակոչիկ, բայց հավաքագրվել է 6500-ը, ապա ճամբարը 500-ը ուսանողով պետք է համալրվի, - ասաց փոխնախարար Գրիգոր Գիորգաձեն:

Նա պարզաբանեց, որ ուսանողները հնարավորություն կունենան ուսմանը զուգահեռ ընտրել 6-ամսյա, 8-ամսյա, 11-ամսյա կամ 4-ամսյա ծրագիր:

Ինչ վերաբերում է 4-ամսյային, ապա 4 տարի, տարին մեկ անգամ արձակուրդների հաշվին ուսանողները կվերապատրաստվեն, վարժանքների կմասնակցեն, իսկ 4 տարի անց՝ դիպլոմն ստանալուց հետո կգրանցվեն որպես պահեստային զինծառայող:

Իսկ ինչ վերաբերում է հոգեւորականներին, ապա Վրաստանում վերջին 7 տարում (2016-2022 թվականներին) հոգեւորական ծառայության կամ հոգեւոր ճեմարանում սովորելու հիման վրա պարտադիր զինվորական ծառայությունը հետաձգվել է 55 հազար 321 քաղաքացու դեպքում:

Ըստ նախագծի, հոգեւորականն այլեւս չի կարող օգտվել պարտադիր զինվորական ծառայության զորակոչից տարկետման իրավունքից:

Ավելացնենք, որ նշված ժամանակահատվածում պարտադիր զինվորական ծառայություն է անցել 774 հազար 103, զորակոչից ազատվել՝ 24 հազար 717 մարդ: